



華陽洞藁卷之十



金壇張祥鳶著

七言律

送趙汝泉視儲遼左

逢君畫省即相親，况復同看濟上春。
詩榻清冷塵外社，官衙瀟洒客中隣。
風前燕筑歌殘暑，匣裡吳鈞贈遠人。
萬竈樵蕪今待爾，便宜早向漢庭陳。

其二

衛水孤帆五兩輕，半舡書畫照人清。
知君少負封侯相，送爾高歌出塞行。
春雨邊屯催種黍，秋風遼海看

結意尚存
古人之道

封鯨雙魚珍重傳何處一片孤城驃騎營

臨清月夜別友人

月隱高城夜柝鳴仲宣樓上送君行對床未盡平生話擊筑先歌慷慨聲滿地江湖孤客夢十年燈火故人情山中舊社如相問為報風塵鬢已星

其二

與君早歲即相憐童穉情親二十年鏡裏流光新白髮山中歸夢舊青氈一樽酒盡荒城夜三疊歌殘落月天心折此時家復遠冥鴻無賴故翩翩

昌平館中懷趙汝泉

潞河樽酒惜分岐贈遠情多折柳枝海氣微茫行節遠塞鴻淒斷帛書遲霜清古戍聞邊笛月白斜窓惱夢思別後世途聊復爾風塵輕染素衣緇

德州行殿朝 王

春風行殿倚雲開雉尾平分寶扇迴伏簇鑾輿花外度恩頒寶玉日邊來君王真是龍兼鳳侍從還同鄒共枚此日微臣同獻頌退朝携得錦香回

丁未計偕與方麓連舟北上今復同官東郡感

舊賦懷

獻書曾共孝廉舡十載重逢各問年兩世青箱名烟

華陽洞景 卷之十七 二 三百二十四
烟三春驄馬晝翩翩緇塵濟上雙蓬鬢草樹江南二月天雲白鄉關心獨遠殊方聊得使君憐

送李西野二首

鄴下多才自建安使君今日復登壇三年畫省卽官貴千里皇華客鬢寒官舍爲隣憐並馬離筵分手勸加餐天衢見說平如掌去矣休歌行路難

其二

霜天徐引渭城杯離思翻嫌急管催惜別共憐芳草歇相逢早及杏花開風塵西北還戎馬原野東南半草萊君去若承宣室問借籌須仗洛陽才

送紀文泉之任南都

柳絲青拂渭城斜別馬蕭蕭古道賒白下名高消暑客邛卽春映錦衣花數聲離笛江南曲五兩東風天上槎君到秦淮相憶否停舟應問故人家

送蕭總戎

居延塞外霍嫖姚身作長城萬里遙羗虜千群聞姓字右賢諸部識風標建牙朔郡晨開府呼酒新豐夜脫貂白首乞身承異數霸亭醉尉避歸輶

秋日齋居

天畔西風一雁初晝衙靜掩似山居開軒掃葉驚馴

鳥傍架齊書落蠹魚青鏡謾憐蓬髮改白雲應怪故人踈
涓埃未報空纓冕直北頻瞻畏簡書

送羽士姚麓居歸京口

輕別玄都萬樹桃拂衣遙訪五陵豪干戈滿眼身千里
歲月驚心鬢二毛鶴氅琴囊行色遠南徐北固夢思勞
關門令尹遙相待咲指東來紫氣高

上巳日寄鄭虛舟

三月三日春可憐百勞聲裡花如烟臨邛大夫有佳
客廣文先生無酒錢放歌誰和舞雩曲洗硯獨寫蘭
亭篇我欲從之問竒字出門無那春風顛

送鄭徵君赴吳次泉之聘

樽酒相逢雙鬢踈梁園賓客近何如天涯歲月頻看
鏡海內才名久著書媿我未能酬雜珮憐君先已贈
瓊琚洛陽三月看花者遲爾春風花下車

舟夜

鳥飛欲盡暮雲空斜戴南冠獨倚蓬木葉聲軋風簌
簌蕙葭影亂月融融支離身世青山瘦荏苒年華逝
水東秋色滿舡書畫淨令人却憶米南宮

其二

片帆何處泊黃昏白水青林月一痕砧杵數聲楓樹

屋漁樵三戶。蓼花村。蕭疎半白。馮郎回首。搖落堪驚。楚客魂南去。雁書何日到。西風回首舊江門。

客中歸思

青山一別故人稀。張翰秋來歸未歸。南浦關心芳草歇。吳江入夢紫萸肥。差池社燕辭人語。狼藉溪雲傍水飛。祇是尚書期會急。故人勞贈北山移。

飲朱使君浣俗堂

使君留飲為停槎。浣俗堂中初放衙。風颯海天吹白苧。亭臨水郭帶蒹葭。相逢可使樽無綠。放浪那看鬢有華。天畔宦遊歸未得。白蘋又吐楚江花。

潞河秋夜坐月

露冷風高落木天。客程初繫潞河船。懷人夢遶芙蓉水。奉使空歌杖杜篇。秋色暗隨蓬鬢老。月華應共故鄉圓。親幃今夜遙千里。綵袖清尊憶去年。

過曹史宅感舊

斜陽立馬思依依。往事驚心歌式微。京口久辭雲樹渺。長安重到故人稀。梧桐葉落寒生砌。燕子梁空暮掩扉。苦憶文園病司馬。掉頭歸去解朝衣。

山陵道中古院午憇

鳳舞龍飛護寢陵。群山佳氣望中層。雲閒聊得褰帷

看山好，昨因載酒登澗道。粼粼縈白水，石門寂寂帶蒼藤。鼎湖龍去，山河在，泣向西風淚滿纓。

送吳崑麓南還

懷君千里憐芳草，君到真堪慰索居。結客少年雙劍在，論文清夜一燈虛。燕臺元識黃金駿，宣室終思痛哭書。莫對離筵歌伐木，轉枝黃鳥正愁予。

其二

桃花杏花無數紅，美人別我歸江東。文章怪底憎命達，驕驕遮莫誇群空。春風此日郢中曲，世事當年塞上翁。知我者希我逾貴，伯陽合是人中龍。

送沈虹野歸吳

才名海內沈休文，十載論文獨有君。夜榻話殘燕市月，春帆歸去越溪雲。飛花無賴愁中劇，啼鳥生憎別後聞。道氣百年長好在，陽春歌罷惜離群。

其二

范蠡湖頭春水生，夕陽曾記放舡清。相逢疑對楞伽寺，送遠俄驚古北平。玉樹瑤花他自好，高山流水若爲賡。亦知國士元清廟，早晚公車召長卿。

韋莊餞劔南

韋曲花深芳徑開，春風滿飲故人杯。堦翻芍藥稍將

吐亭俯沙鷗閒自來趙舞燕歌雙送酒煖雲晴日一
登臺風塵城郭終何事枝上催歸緩緩催

其二

雲薄高城片雨過雨餘新水綠於荷紫騶隊隊嘶芳
草弱柳枝枝嬌綺羅輕燕似憐如意舞啼鶯細和大
堤歌故人一別風烟隔落日江南柰遠何

送高省庵宰彭澤

鳳凰臺畔少年場秋色同分桂闕香並馬幾回燕市
客雙鳧此日漢庭郎華簪初戴頭仍黑錦纜徐牽日
正長天畔遐心共湖水送君南去到潯陽

其二

除章初下五雲邊春入江城花欲然好讀西京循吏
傳還乘南國孝廉舡徵書應列魯恭績捧檄今知毛
義賢君去試看官舍柳青青猶憶義熙年

送劉念庵憲副兵備固原

繡衣使者去翩翩隴樹秦雲路幾千部曲欣傳開府
姓侍臣咲贈繞朝鞭風生憲節清榆塞火照降旗款
右賢飲至歸來頭尚黑麒麟高閣日華邊

其二

城頭驛路入金微一道寒霜傍馬飛畫省乍辭清夢

隔蕭關初度故人稀
籌邊樓啟傳宵柝
執法臺高晃署輝
西顧只今勞
聖主對君慷慨賦無衣

題鍾玉陽世息節壽冊

鍾卽文采繼元常
奉使初辭漢署香
兩世清班登畫省
三朝舊德照青箱
海天孤月娟娟白
瓊島仙桃宛宛芳
祝罷南山拜家慶
春輝暖映紫霞觴

送汪蒙泉僉憲入浙便程省母

繡衣初染御爐香
結束青駟出建章
一路風雲新使節
片帆烟雨舊江鄉
崇臺畫水門如水
方岳秋高月似霜
咲折葵花贈行色
丹心日日五雲傍

其二

與君同是宦遊身
千里長雲入夢頻
舊國共憐親舍遠
殊方祇喜故情真
皇華初拜彤庭詔
家慶欣看彩袖春
天畔使星看漸遠
南中先慰倚門人

寄學憲馮少洲校士浙中

才名不數漢儒林
大雅千年獨此心
念我能接青玉案
報君贖有白頭吟
暮雲片片江東路
流水泠泠空外音
奉詔求賢真不忝
燕臺駿馬萬黃金

其二

羨人東去幾長亭
鳥自嚶嚶雲自停
吳地月如燕市

白越中山似薊門青即看風雅登周鑄定見賢良入
漢庭南斗竟天橫紫氣青霄何處避文星

洞簫倚歌

嬌歌細管倚金屏一曲霓裳月滿庭弄玉樓開青鳥
下莫愁城近彩雲停聲當換羽含顰轉調入悲秋掩
淚聽總是昔年歌舞地重聞清樂不勝情

初夏新溪午集

綠樹欣欣十里陰更憐山水送清音五城樓敞群仙
至萬竹堂開二仲尋棋局日長啼鳥換酒杯香膩落
花深此生自可醒還醉翻笑三閭澤畔吟

送朱虛谷歸靖江

走馬東風二月天相逢意氣未央前看花常曲美清
夜結客邗鄆誇少年雙劍不堪分驛路一樽聊復對
離筵臨岐莫誦江淹賦芳草天涯正黯然

其二

天上薰風吹錦衣離亭樽酒送將歸高城罷霧柳逾
暗遠水無波帆亂飛求友林鶯啼恰恰留人檣燕語
依依定知後夜相思夢長共澄江明月輝

辛亥丁巳兩偕吳崑麓沈劍南信宿石潭山房
癸亥二月重登而二君遠矣感舊留題

宿雨初收曉放舡布帆斜掛舊江天雲留松磴午猶
濕檻俯沙鷗春可憐閣影靜依波面石磬聲遙落海
門烟故人同別江樓月客鬢風塵又幾年

其二

西風吹笛白蘋洲同上江心明月樓夜靜漁歌相款
乃波澄欄影自沉浮青山有夢憐知己白髮無情欲
滿頭濯罷塵纓歸棹晚不禁雲樹故相留

秋晚高湖吳卽載酒送別

十里湖光一鏡平酒舡如葉泛空明遠山氣紫日半
落白苧歌清涼暗生秋興不禁風策策美人况復玉

英英伯勞飛燕東西路無語同含一水情

無題

仙子樓居絕四隣瑤華開遍不逢人清歌細咽秦臺
月微步輕嬌洛浦春睡起腰肢連竹瘦坐來眉黛共
花顰芳蘭采采香盈掬暗托東風贈所親

雲居寺同何燾山登城午眺

雉堞高臨湖上峰勝遊真喜故人逢遙村烟火青林
午絕壁松篁翠蓋重平海東流荒宋殿大江南抱隔
秦封山中猿鶴能留客歸路斜陽何處鍾

別西湖歸途賦懷

酒舡芒屨已經旬湖上仍留未了因入棹恍如投逆
旅恋山猶似別情人松門蘿磴懷陳蹟楓葉蘆花認
舊津短杖重遊知有日向來魚鳥定相親

病居言懷

青山久憶采藤蕪拜疏歸來病未蘇止飲已欣無酒
債蠲租更喜少官逋乞身願賜湖名鏡住處堪教谷
姓愚倦客在家貧亦好風塵曾媿府中趨

初夏曉起

曉起池塘新水平炊烟不動四隣清放稍踈竹弱無
柰挾子幽禽馴不驚園果半黃和露摘水田分綠帶

雲耕長貧詎是因官薄懶性從來不治生

送沈七秀才赴試南都

槐花古道白門秋結束輕衫意氣遊遙憶南朝盛文
采即看吾子繼風流驪珠錯落三千字桂闕參差十
二樓新榜曉開京兆府定知國士得應劉

秋日携友泛舟登龍山

薰葭瑟瑟柳絲絲短棹無帆輕自移湖上人家杭稻
熟山腰亭子薜蘿垂天圍亂水晴逾碧秋落遙峰瘦
更奇樽酒故人清話愜得歸反悔乞歸遲

其二

謝病歸來卧茂陵愛山真似憶良朋每從小閣開窓
看更向西風載酒登穉竹短松綠磴曲落霞孤鶩暎
波澄賦成招隱休題壁古調誰如陸士衡

新河載酒天荒秋泛

高筵已醉菊花天更洗殘樽上酒缸斷雁一聲秋似
水遠山百疊樹如烟青蘋風颭寒吹髮白苧歌清緩
扣舷謔語醉中渾不記踈狂應仗玉人憐

其二

送送同登湖上舟一談一笑坐夷猶殘霞漏日澹將
暝落葉傍舡寒不流酒榼蔬盤真率飲汀花溪水淺

深秋興來觴酌無巡數不問曾傾幾百壽

曹園夜飲得池字

赤欄橋畔水平池弱柳枝枝拂地垂一曲艷歌金縷
細十千美酒玉山歌露香舞袖沾花濕夜久殘樽就
月移高會百年吾輩在倍因春好願春遲

穀雨龍山載酒贈席上歌姬

雨歇南山背郭青女郎連袂踏花行身輕洛水嬌無
語家在邯鄲舊有名郢雪醉聽渾欲舞峽雲不斷自
多情青樓薄倖曾誰似每為留春春恨生

題李秀岩白雪山房

公子西園小築成
緇塵不到迥含清
圖書靜映牙籤
冷簾幙輕搖玉樹明
賦擬謝公寒照坐
歌傳郢客暗
飛聲懷人良夜堪
乘興欲向山陰道上行

登君山飲眺

背郭青山擁坐隅
西風斜日徧寒蕪
潮分沙縣江南
北地坼蛟龍窟有無
駭浪紛飛搖雉堞
斷崖離立俯
天吳春申古墓無
碑碣落木千山空
伯圖

登靖江孤山望海

孤峯拔地起江濱
吳楚提封一嶼分
天落海門低似
水山浮澤國渺如雲
蛟宮日射黃金暈
石壁苔滋綠

玉紋東望十洲還
幾許欲尋瑤草訪神君

題朱虛谷扶閣

江抱吳天日夜流
夫君家住小瀛洲
波光分映疑浮
屋山色南來半入樓
白雪當筵飛郢曲
青虹射水解
吳鈎淹留莫漫憐
叢桂猷賦公車正黑頭

江陰城西看菊

矮屋踈籬雙徑開
板橋斜跨水縈迴
拂筵風細香圍
坐撲酒雲明錦作堆
佳節不妨過落帽
寒花賸可送
深杯霜枝露蕊清
人骨歸路斜陽首重回

朱鴻臚顧文學過訪

華陽洞臺 卷之十七 三十七
三十七
薜蘿雙徑寂無媒春晏何期二仲來詩律五言高白
壁鶯花一樹照深杯髮華久別添衰颯懷抱相逢得
好開見說買山同結社白雲深處讀書臺

江陰道中

十月吳江楓葉黃寒雲繞舵送孤航亂山斜日低帆
影荒戍西風急雁行長路車回窮阮藉故人書斷懶
嵇康相逢何物堪相贈水國芙蓉昨夜霜

登仰蘇樓

松下逢僧半舊遊西風同倚仰蘇樓禪談堪悟生公
石搖落仍悲宋玉秋錦字千章開斷壁女墻百雉枕

長洲登臨况復偕懽友每到山中信宿留

虎丘感舊

萬壑秋風落木天青山曾到憶當年紅塵已換繁霜
鬢白社重尋舊日緣悟石軒清僧更寂可中亭好月
初圓指揮如意談空色細數天花落滿前

上徐存翁閣老

代曹太史作

六最台垣相業高五雲常映錦鱗袍丹心日麗當霄
漢黃閣風清淨海濤萬駿群空收國士千官禮絕引
仙曹金貂不數汾陽後池上春深長鳳毛

陸道南六十壽詩

莫是當年陸士衡江東賸有舊家聲明經少列諸生
籍遺世終歲處士名荏苒歲華更甲子浮湛閭里老
昇平與君同齒君逾健幾欲相從問養生

贈邑侯陳白野陞湖廣二守

茂宰清名誇絕倫郡章初下主恩新天衢萬里翩
翻雨花縣三年處處春棠覆江城憐召伯蘭盈楚畹
吊靈均別君賸有吳天月末夜絃歌比屋聞

其二

露冕行春向楚天湖南風物挂帆前三湘落日先憂
淚七澤秋風哀郢篇彩鷁衝花惟載鶴宦衙吸露獨

聞蟬南洲見說多高士可是陳蕃榻尚懸

贈董少伊進士出使

洛陽公子最才華彩筆能生五色霞兩代賢科高接
武三朝世德舊通家丹山威鳳雙飛翼赤縣甘棠一
樹花畫省相逢談往事使君忽漫向天涯

贈臨淮侯李秀岩

公子翩翩漢李膺清門如水好誰登祇憐裘仲開三
徑肯狎金張向五陵身近天顏知有喜官兼貴介
若無憑侍臣地望元清切光暎台階最上層

秋夜偕黎瑤石李秀岩山房話懷

華陽洞藻卷之十八
賜衲參寥出鳳城詩囊禪錫照人清湖山有主曉逾
碧水月無塵秋更明窓綠已添新竹影亭虛重問舊
鷗盟法筵盡日人如堵應看空花落滿庭

華陽洞藻卷之十八

金壇張祥鳶著

七言律

西湖秋泛

湖上峰稠亂晚晴每逢佳處問山名偶因寺好頻停
舫貪為波澄不記舫斜抱連環千嶂合平分雙鏡六
橋橫更堪歲晏芙蓉冷水國西風日夜清

湖心亭晚酌

湖心亭上半虛無身在英英白玉壺涼雨初收峰似
點高雲不動水如鋪杯前芳杜青堪把檻外馴鷗近

可呼指點渙燈認歸路絕憐烟景晚模糊

昭慶寺僧樓聽雨

小閣夜聽湖上雨故人瀟洒對床眠寺雲飄檻濛濛
入簷溜循涂細細懸散逐松風清萬壑旋隨僧梵洒
諸天曉來沙路休全濕擬趁新晴上酒船

題崑麓長嘯亭

裘馬從來傲五陵草亭高卧白雲層神蛟夜舞千濤
立威鳳晨鳴萬籟澄北海長風吹越石蘓門朗月照
孫登匣中躍躍悲雄劍曾使夫君意氣增

焦山訪郭五遊

浮玉峰前訪隱淪丹崖青壁忽嶙峋定從郭璞傳詩
格疑與焦光作後身五嶽烟霞青竹杖三山花鳥白
綸巾知予亦是悠悠者樽酒招尋月色新

揚州赴朱白野侍御飲時臺中官梅正開即席

賦之

拂衣偶跨揚州鶴覓勝仍看官閣梅索笑謔乘何遜
興品題元待廣平才暗香細細浮瑤砌冷蕊盈盈近
酒杯祇為和羨有佳實早花先傍使君開

宿焦山水晶庵

一樽夜坐水晶庵僧屋無塵月半龕江浦天低潮暗

長海門雲冷酒初酣窓傳鍾杵聲俱入龍抱星河影
倒涵禪榻怪來清到骨始知枕席近烟嵐

甲子歲除賦懷

江春殘夜入詩家準擬春來事事佳雙鬢任渠更玉
曆東風泥我拾瑤花早梅拂檻仍含凍晏歲懷人欲
贈麻細數庚辰逢甲子蹉跎四十五年華

花朝有約

花朝曾與故人期夜敞柴關遲所思小閣憶君同倚
處曲欄憐我獨憑時望中落日青絲騎夢裡東風瓊
樹枝可是海棠如有待春分猶自看花遲

官舍偶成

薄俸携來便買書何妨客舍食無魚肯因吏俗詩懷
減翻喜官貧幻夢疎却掃細評高士傳問竒偶過故
人廬英雄事業浮雲渺燕市斜陽吊望諸

病歸

三疏承明暫乞休拂衣閑伴赤松遊風塵肯暗芙蓉
劍詞賦能驕杜若洲一路寒山霜後色數聲連雁客
中愁寡營強飯長生訣到處丹丘總易求

其二

病身宜逸未宜休為就丹砂賦五遊落葉半帆青雀

華陽洞臺 卷之十八
舫歸心千里白蘋洲瘦憐沈約頻移帶詩和張衡半
是愁註罷叅同應什襲還朝儻許故人求

長安古寺別僧

一夜霜風墮白榆荒原寒色片雲孤
登高已過黃花候送酒仍勞碧玉壺
僧屋隔烟園雜樹午鍾和葉落
平蕪閑看畫壁曇摩相為問何年再折蘆

其二

帝里山河古北平由來年少重橫行
角聲寒應邊聲動劍氣遙連朔氣明
結束貂裘朝射雁相邀獵伴醉呼鷹
從軍閩地初連北笑讓奇功不用名

天津道中歸興

未歸無奈鄉心急歸矣其如道路長
晴日大河寒蕩影朔風衰柳慘成行
思家頻賦江南曲行役高歌杖杜章
昨夜尺書傳驛使已將家慶慰高堂

舟雪

使程歲晚下長安雪滿關河行路難
遠水不流瓊作岸亂山半出玉成巒
凍雲接地歸鴻斷古戍無人獨樹寒
疑入剡中迷去住一航夜色倚蓬看

張秋遇冰

流澌十月下東平歲晏風塵薄宦情
天末雲高來暮

色汶陽水落動寒聲關心江國家千里屈指郵籤路
幾程賸有爐香與書卷閑中心跡共雙清

滄洲贈徐龍灣

曾於翰墨識君才中歲相逢郭隗臺傾坐容輝青玉
立臨風笑語夜珠來江南麗藻徐陵體河朔清秋庾
信哀燕市黃金高北斗鹽車早晚購龍媒

飲徐龍灣官舍

霜落潭沱十月天與君一見一相憐開樽細酌烏程
酒洗硯高題白雪篇庭鶴不鳴心共寂城雲無色意
俱玄他年天目山中社儻許重聽流水絃

東郡道中早行懷古

霜白天空驛路迴中原懷古獨低徊塞帷忽見海雲
結憑軾徐看山色來魯殿齊宮深蔓草秦封漢禪入
荒苔只今誰解歌風雅遙憶當年季子才

徐州登戲馬臺

群山迴合擁徐方望眼平臨鳥路長斷壁中開危磴
立飛流西下濁河黃風塵伯業偏安地戎馬中原古
戰場最是楚宮堪涕淚荒臺無樹倚斜陽

放鶴亭晚眺

往事消沉歲月更古亭瀟灑若平生山人杖屨雲霄

華陽洞書卷之十八
識太守文章鶴並清華表即今歸夢杳夕陽依舊傍
簷明欄干徒倚幽懷遠白石寒泉非世情

渡盱眙山吊古

樹杪飛流蕩日黃長淮中斷限徐揚南來王氣開陵
寢西去山河壯帝鄉風颯珠林雲斷續天高鷺嶺鳥
徊翔當年開府臨戎地古木無枝傍戰場

飲招隱山樓

昔年杖屨訪山靈曾醉桃花水上亭快閣再登芳樹
綠一樽重對晚峰青窓含江色當杯落風送鶯聲隔
竹聽日暮隱君招不至碧雲如玉滿空庭

其二

僧樓閑對晚峰開山靄蒼蒼山月來靜影不驚幽鳥
夢清光斜落故人杯暗泉遶戶松蘿合暝壑生風草
樹迴欲買小山種叢桂結廬高傍讀書臺

江行入儀真

清江白舫坐夷猶江蒹青青江水流山列金焦吳地
圻潮連淮海楚天浮十年塵滿閉河鬢五月涼生水
國秋落日千峰射波赤布帆無恙近真洲

其二

青天不動大江平打鼓揚帆覺岸行波底倒看峯影

直海門背指浪花明問津楊子猶吳語聽曲長干半
楚聲好采江籬垂雜珮可因幽事緩王程

觀瀾亭逢吳鳳泉舍人避暑

舍人遙別鳳凰池逃暑中亭岸接籬檻俯荷花嬌欲
語波涵柳色澹生姿一枰棋罷城陰落獨樹風清鳥
夢知李杜文章照千古手摩蒼蘚續遺碑

登太白樓

城高徑仄酒樓開賀監邀賓騎馬來笑解金龜酣舉
白醉攀宮錦重憐才夜郎遙隔梅花笛鏡水誰同蓮
葉杯良會重尋無復昔嵇山空棹酒船回

其二

天上仙人十二樓笑騎黃鶴下瀛洲賦詩倚馬三千
首呼酒當壚一百籌供奉已辭清禁直浮沉聊為醉
鄉留千年遺貌仍瀟洒偶坐猶如話舊遊

送頊檢校

馬上相逢白面郎金鞭高揖問同鄉一官初捧尚書
省千里遙趨刺史堂驛路霜清楓葉赤山城風煖荔
枝香已憐送客仍為客况復瞻雲數雁行

壽顧封君

南極中霄翳紫氛遙知佳氣動星文夕郎鳴玉留青

瓊家度開筵在白雲舊德百年周壽考清階九命漢
封君廣成定結長生社日日西山鸞鶴群

壽段華諫議乃尊七十

河上仙翁食紫霞青山對屋種瑤花年當仗國身仍
健官拜中書髮未華五鼎即看齊綺饌九還初報熟
丹砂題詩憑寄雙青鳥紫閣峯前弟幾家

寒食雨懷

天畔孤惶好向誰况逢寒食雨絲絲鄉遙無處書來
晚景晏還期春去遲止飲甕頭餘舊酒禁烟客舍冷
晨炊遙知綿上經行者指點青山說介推

署中詠懷

拙宦無媒任陸沉病懷日夜憶長林誰能適越資章
甫祇合逃虛避足音歲月暗催雙鬢雪君親併苦百
年心草成歸疏未能上倦馬天涯春又深

送李弇川謫守同州

文園一卧幾經春画省重来少故人十載卽官猶執
戟九霄封事獨批鱗共言受諫逢今日更道徵書起
逐臣此去定非明主意可知無賦吊靈均

晚春遊韋莊水亭

黃鳥閨閨喚友生玉壺美酒繫絲繩花園亭子移時

坐水遶欄干。盡日凭。肺病忽因茲地減。髮華奈比去
年增。懷中歸疏明朝上。吾亦江東張季膺。

乞歸

病免還家尚此身。風塵祇益髮如銀。買書能向閑中
讀。辭祿元知歸後貧。三徑無資聊種竹。五湖有主但
烹蓴。買山應被山僧怪。林下清時見一人。

送劉迪功丞德平

芍藥花開別友生。一枝遺贈故人情。形墀初捧卽官
檄。赤縣先傳少宰名。祿可代耕元不薄。丞非負爾卽
為榮。遙知邑吏郊迎處。麥隴薰風馴雉鳴。

飲招隱泉亭醉眺昭明讀書臺

十里桃花錦作堆。花香無賴逐人來。泉聲細細流苔
徑。松影娟娟落酒杯。一曲平原招隱操。千年帝子讀
書臺。登高作賦愁顏破。不是江南庾信哀。

甘露山堂別筵次育泉韻

楊柳條長臨水綠。櫻桃花暖照人紅。江光滉漾僧窓
外。山翠參差杯酒中。芳艸欲迷歸去騎。夕陽初暎最
高峰。故人笑語能傾座。不向離筵影轉蓬。

瞿生九思自黃至吳受業於予。適予北遊不及
相與宿信江滸揮手而別。

書劍遠辭黃子國孤舟千里賦浮湘半江帆影青山
瘦兩岬桃花錦浪香楚客離騷元宋玉中原文獻竟
陳良別君明發揚州路望入南雲一水長

其二

京江三月水如苔江上逢君識楚材萍海乍驚雙劍
合客程無柰片帆開喚愁草綠湖南路含笑花嬌掌
上杯臨別贈之明月色漢陽春樹首重回

春莫渡江行儀真道中

朝來行色愜新晴吹面風和別酒醒宮柳送人侵慢
綠鄉山留客隔江青遊絲故罥桃花片嬌燕初飛社
若汀親舍白雲猶入望不堪蓬蹟又長亭

渡江後寄友

東風吹暖柳花天君向東吳我向燕分手曾勤捐珮
意掛帆仍寄濟江篇容輝漸覺望中遠親愛翻從別
後憐瓊樹枝遙雲水隔屋梁清月夜娟娟

孟城雨後望湖

片雨初收驛路塵湖光晃日迥浮銀棹歌猶唱江南
曲燕語如憐客裡人細草微風寒澤國淡雲晴絮送
殘春海天風物仍依舊歲月惟催白髮新

寶應湖阻雨邵禎數年兄贈詩即景賦二章報

之

花落邗堤新水渾使君灘畔泊黃昏烟光淡拂垂楊
色海氣遙連過雨痕楚岬小山懷帝子江天芳艸憶
王孫孤舟獨夜堪愁絕賸有陽春慰旅魂

其二

繫纜共聽湖上雨逗帆同阻石尤風殘春楚水沙棠
楫落日淮山桂樹叢海內文章陳伯玉船窓書畫米
南宮新詩勞贈瓊瑤重欲報雙金媿未工

月夜聽舟人吹笛

官舫如家頻泛泛澄波似練故漪漪半帆暮色關山
月一笛清風楊柳枝靜愛水龍吟斷續旋驚天籟洒
淒其倚歌亦有江南客樂府曾傳古別離

天津夜泊

風高海郭暮帆收夏半淒其直似秋月色浪聲寒傍
榻遠鍾殘柝暗隨舟天垂碣石銀河落雲盡滄瀛貝
闕浮佳氣中霄明紫極行人指點說皇州

舟次夜話

短燭生花映薄帷海天涼雨夜絲絲三更清話盈尊
酒千里鄉心滿篋詩吏隱不須嗟宦拙涓埃祗愧報
君遲匣中賸有芙蓉劍醉後重看更陸離

送張斗澗年兄謫建昌博

科名早歲共賢書岐路年來見面踈燕地故人惟爾
在漢京循吏總誰如曾聞薦疏推奇績何事書空赴
謫居劉向傳經官不薄定知清譽動公車

送留暮岡任建寧簿

閩越年來百戰餘君今佐政欲何如山城畫室無杼
軸吏事盈庭有簿書才在不妨官祿薄時清未可宦
情踈延平神物窺人過慎爾腰間雙湛盧

壽費舉人母六十

仙班朝別下蓬萊甲子今更第一回朱紱早憐鸞影

散綵衣重見桂叢開春暉在苒蓬萱砌秋色平分落
壽杯定報仙籌添海屋麻姑書信好頻來

賀瑞芝早朝

鑰聲初啓掖垣扉金水橋前動署暉宮柳含風吹珮
玉金莖垂露滴朝衣上公告瑞登清廟太史書祥下
鎖闌閭闔齊開遙北望五雲高傍御床飛

中秋雨

門掩空庭木葉清偶逢佳節愛佳名坐憎風雨渾無
賴悵憶婵娟空復情良夜已憐經歲隔清光何惜一
宵晴停杯細數當年事曾見中秋幾月明

省夜

裊裊明河帶苑墻蕭蕭亂葉下微霜風迴寒柝沉遙
堞天近踈鍾出未央共道漢庭方貴少可知顏駟尚
爲郎一官無補思田里歲晏南中橘柚黃

送丁少鶴謫延平

薊門霜白雁飛高握手都亭解珮刀客裡情親君又
別天涯意氣向誰豪漢京辭賦流傳久閩地瘡痍屬
望勞此去不因明主意郡齋且莫註離騷

其二

才人下嫁出邯鄲舉俗猶將國色看不道蛾眉逢妬

易却憐紈扇別君難秋風吹面頻看鏡幽事關情好
佩蘭賸有遐心隨片月夜深還照掖庭寒

送李吳川監允小灘便程歸趙

驛路霜清劍氣寒皇華南向使君灘紫泥頒勅新開
府畫省含香舊漢官麗藻春明驕鄴下錦衣晝煖照
邯鄲中原飛輓勞籌策聖主元知稼穡難

贈蕭鴻臚

蕭郎結客盡賢豪贈我腰間金錯刀尊酒共看鳩鵲
月鄉心同憶廣陵濤朝儀徐引仙班靜委珮遲歸晝
漏高作吏風塵詩總廢對君聊復一揮毫

書友山卷次韻

白石青山幽且深，洞門雲氣洒衣襟。
謝公別墅開枌櫨，杜老茅堂帶楹林。
叢桂調高招隱士，猗蘭操遠況清琴。
孤峯靜對成賓主，隱几長哦伐木吟。

壽顧封君

通家已忝臺中舊，杖國欣聞河上公。
繡幃觀風歸陝右，紫泥傳詔到江東。
架樓高貯封君勅，開宴還招比舍翁。
珎重仙郎遙獻壽，丹書頻探下崆峒。

再授官謝恩

金吾簇杖曙鍾初，起傍丹霄拜鳳書。
地省再登新命忝，朝班重入舊僚疎。
夾城花映中官第，馳道雲連學士廬。
才薄遠慚楊執戟，河東無賦待吹噓。

重典掌故

鳳闕東臨畫省開，當年掌故此重來。
逢人莫話郎官舊，報主堪驚歲月催。
懷刺襴衡高偃蹇，積薪長孺獨遲迴。
唾壺擊缺仍豪舉，笑對黃金百尺臺。

吏散樓居

散衙初出尚書省，退食聊開倦客顏。
憑檻夏雲流粉堞，登樓烟樹隔青山。
詩成祗合頻焚草，官拙何妨獨閉關。
聞說公卿今下士，薛公東閣竟誰攀。

長安秋望

秋風吹雨過桑乾，霽色澄鮮立馬看。
黃葉亂飛千雉冷，青天西落數峰寒。
君親恩重曾誰報，鄉里書來稍自寬。
郎署浮沉驚歲晏，向人偃蹇不彈冠。

送王繼山守武定

春風同醉杏花天，一卧青山又幾年。
勑新承明主賜，專城已識使君賢。
蹇予愁似張平子，羨爾才如王仲宣。
自是辭人堪岳牧，東方五馬去翩翩。

送吳崑麓會試

野水孤舟一葉輕，掛帆徐趁海潮生。
櫓聲帶月搖殘

夢江樹迎霜落，曉晴文苑年來誰獨步。
交游歲晚自多情，細推造物盈虛理。
行矣期君悔盛名。

其二

霜白天青木葉疎，故人行行李且馬。
如劍冲南斗，寒開匣文擬西京。
早上書勲業未須傷，歲暮才華遠勝識。
君初說詩海內傳，匡鼎好入承明侍。
禁廬

送蔣教諭

燕城雨濕曉沉沉，送客都亭解珮鐔。
經術分明秦博士，文章爾雅漢儒林。
離觴細酌榴花酒，古調高歌樸棫吟。
誰道官閑門似水，共看良冶鑄南金。

天街月夜聞歌

風恬九陌淨纖塵燕市行歌遇酒人片月高懸鳩鵲
夜五雲晴簇未央春還家江總頭顱日識面何哉樂
府新帝里交游誰獨健祗因衰謝倍情親

贈吳崑麓

國子先生官舍清著書滿架獨藏名床頭長劍生雲
氣袖裡玄珠吐月明瓦注等閑浮世事綈袍眷戀故
人情天涯懷抱堪誰向何得逢君却盡傾

乙丑 聖節早朝

玉漏含風出禁城垣門初啓報朝盈鳳樓高矗宮雲

近象輦輕移庭月明動地歡聲呼 陛側配天 聖

壽應河清近臣應識 君王喜鵲立丹霄最上層

其二

四十四回逢 聖節萬邦萬歲祝堯封鎖傳金鑰開
三殿旗閃銀河傍 九重南極壽光連寶座紫微佳
氣護飛龍瑤堦呼舞年年事 御壽嵩高第一峰

呂梁

連山中斷水門開高束長河驕欲迴流沫千層紛濺
雪怒驚百折殷奔雷參差石勢迎船出傾仄帆檣破
浪來世路風波那可道不禁登岸首重回

使還渡江

楊子春殘賦遠遊。車亭歲晏渡歸舟。帆移山色如相逐。江靜波光似不流。長路載驅衣帶緩。故人重見鬢華秋。高堂封秩君恩重。夙夜能忘國士酬。

西庄春事

槿籬宛轉竹蕭疎。斜抱清溪小結廬。春暖果園閑自灌。雨餘瓜地綠堪鋤。花間客到惟歡友。案上風翻祇道書。文史仍教兒輩讀。勿云吾已負公車。

其二

綠樹陰陰屋數間。蓬門雖設晝常關。經春新酒身初健。長日捐書境倍閒。凭檻喜堪涼雨至。開窓任放暮雲還。地偏心遠丹丘在。青史功名各駐顏。

西庄友人過訪

參差花影覆蒼苔。竹裡茅堂午未開。啼鳥喚將春睡起。應門報道故人來。旋梳短髮冠斜岸。半敞閑窓書亂堆。懶慢尋常君莫笑。滄江一卧愧群才。

華陽洞藁卷之十九

金壇張祥鳶著

七言律

西遷道中言懷

青山已卜種瑶花又著紅塵染髮華自信懷忠盟白水誰能顧影避含沙泥途日涉同漂梗候館宵投似到家不為君息深未報肯因薄祿向天涯

真定曉發

可知遷客寸心違况復新秋一葉飛鉅鹿晴雲明短劍潭沱曉日照行衣投閑誰道官增秩恋主堪禁帶

減園拙宦半生仍道路西風無柰故山薇

真定哭楊裁庵老師

曾記先朝庚子年霜前一侍惠文冠伯牙未奏高山
調豫讓先當國士看恒嶽隕星秋色冷滹沱沉劍夜
光寒乾坤知己今誰在轉覺人間行路難

順德道中午憇

燕趙驅馳一駐車悲歌懷古獨躊躇處囊誤作平原
客去國慵題樂毅書白苧迎秋風颯颯青槐垂屋雨
踈踈問程南走邯鄲道悵憶才人下嫁初

過邯鄲黃梁祠

客路南來又幾程西風一十九長亭亂山傍馬晴逾
碧芳艸撩人秋更清往蹟尋常行處在畏途依約夢
中經邯鄲道左神仙祠試問盧生醒未醒

衛郡曉來望太行

千峰日射曉雲流半是看山半宦游天入太行分晉
衛地盤牧野認殷周拂衣輕別長安道倚劍遙瞻故
國樓五嶽何時雙屐遍西風短髮好禁秋

獲嘉聞雲南命

初拜鹽官度太行忽傳新命下昭陽雲霄能辨孤
臣謗道路驚看太守章已拂青蠅分白璧休言閨歲

厄黃楊平生賸有桑弧志聊看昆明到夜郎

登蕪門嘯臺

踏閣攀林上翠微荒臺無主有雲歸太行北走蒼虬
舞王屋西奔彩鳳飛烟樹萬家分井落風泉百道帶
巖扉懷人恍惚聞長嘯高立丹崖一振衣

蘇門觀百泉

蘇門此日果幽期魚鳥親人似舊知穿竇綠漪明錦
石礙人朱實墜青枝亭臨流水宛成趣峰帶殘陽亂
闔竒家在江南山更好風塵自笑棄官遲

嘉興同沈劍南登烟雨樓

新晴同泛李膺舟載酒遙登水上樓日氣倒沉天似
浸波光四繞屋如浮觴飛樹杪分新綠雲隔溪南攪
暗愁長路無媒堪獨徃感君顧盼贈吳鈞

清明吳門舟中叙別

岸柳汀花簇暖烟布帆無恙掛江天自疑勝日同遊
舫不分茲辰是別筵親舊已知前路少韶華偏覺故
鄉妍宦情如水君休問一曲驪駒一黯然

嘉興寺閣雨眺

林端飛閣入雲孤四顧江山古伯圖百雉人烟連越
徼千峰蒼翠帶吳都雨中春樹紛堪數海上神仙恍

可呼南去故人看漸少思君長憶采蘋蕪

留別劍南

一麾出守向天涯海內君為鮑叔牙已信楚臣非盜
璧猶憐漢使遠乘槎離堂細雨茶蘼吐官路東風楊
柳斜回雁峰南無驛使相思誰為寄梅花

富春江行

午風無力布帆歌蓬底看山獨酌遲兩岬好峰青不
斷一江流水綠相隨陰陰堤樹啼桑扈嫋嫋溪烟唱
竹枝不奉君恩遙出守誰能到處徧探奇

其二

潮落天空入富春晴江曲曲水粼粼詭容驚眼山當
路靜影浮窓雲傍人嘉樹成蹊林似屋澄波見底石
如銀十年一劍酬恩晚林壑休朝隱未真

豫章候館逢賀南康移守廉州

楚水飛花攪暮春相逢同是倦遊人十年懷抱燈前
話千里関河衣上塵當路已憐知己少殊方轉覺故
情親匡山君去誰為主明發章江獨問津

其二

當年漢署共含香今日猶懸太守章虎竹再移蠻府
重雁書不到海天長豫章雄劍分雷煥合浦明珠識

孟嘗同向炎方予更遠寒鴉日影隔昭陽

登廬山文殊臺觀瀑

曲磴盤雲絕復通振衣天半御長風岩垂怒瀑飛晴
雪澗挿奔崖飲斷虹背日峰陰侵寺冷隔湖霞彩射
波紅青山到處憑雙屐白社無勞却謝公

白鹿洞

山人騎鹿住青山鹿去山空石屋閑哀壑風清流
咽孤亭日暮白雲還峰聯五色凝烟紫松合千章落
影斑林卧久耽高士傳丹崖容易一躋攀

長沙吊賈生祠

嗟君去國意如何白日咸陽失太阿直道逢時猶棄
置孤忠籌國柰蹉跎謫居文采江山重遺廟丹青歲
月多往事不須啣絳灌由來世路是風波

貴州道中

斷續南雲天際流鳥飛不下萬山愁人烟索寞三家
市關塞蕭條五月秋分背苗夷新賣劍征西都護未
封侯五溪事業垂青史試問何如馬少游

其二

亂山高下控南交故壘新屯徧四郊隙地為田如負
郭懸崖結屋儼危巢亭日暮憑雲歇戍鼓聲寒帶

月敲關塞極天開郡國不從江漢問包茅

普定逢林二泉憲副

長安分手悵何年天畔相逢是偶然笑我宦情元落
落看君使節自翩翩建牙吹角三苗靖束馬懸車六
詔連衢路屏營懷抱盡雙魚別後若爲傳

其二

承明三入故人疎舊好相憐君共予曉漏趨朝常並
馬晚衙出省每過廬浮雲一別遙開府遠道三年少
報書忽漫相逢驚喜定却疑梁月夢回初

貴州道中雨行

晨風吹雨濕行衣狼藉殘雲傍馬飛
蠻府遠投吾道是瘴江西渡故人稀
脩途躑躅天疑近遠道間關山
似圍却笑吾家張博望使華曾傍月氏歸

渡盤江

連山墻立萬峰青江勢中分雄建瓴
疊嶺瘴開雲影入亭林雲薄午陰停
波環夷夏浮光怪地坼西南開
巨靈遮莫土人矜絕險臨風結束一揚舲

渡關索嶺

萬尋高嶺抱雲斜晨起攀登午尚賒
嵐氣濕衣俄作雨瘴烟蒸日忽成
霞鷓鴣聲切程千里宦海身遙天

一涯舊業雖貧堪穩卧何時歸種邵平瓜

南中秋思

憶昔悲歌燕市中鄉書猶得寄南鴻年來更逐孤雲
遠歲晏曾無一字通獨夜暗愁連蟋蟀故園秋夢到
梧桐駐顏不信丹砂訣勾漏何須滯葛洪

黔中文昌閣晚眺

粉堞西盤百雉長倚雲飛閣傍文昌霞連太華峰陰
紫日射昆明海氣黃官拙殊方容偃蹇年登諸縣集
流亡吏情無柰青山笑老大猶懸太守章

南中歲晚書懷

南冠無賴向風塵歲月能催客髮新殘臘萬家楊柳
色玄冬千樹杏花春雲橫直北孤臣遠家在江南舊
業貧少日交游傾管鮑年來誰憶未歸人

寄毛鳳池

天涯旅抱近何如酒肆歲名生事踈脫穎趙都登上
客免冠秦殿召中書年華半百傳新帖鄉路三千夢
舊廬念我南遷張道濟夜即萬里寄雙魚

寄家書

故園東望亂山重回雁峰南雁不逢萬里一官身似
鶴十年孤劍氣如龍梅花隴首春堪寄尺素燈前手

自封已報平安慰兒女更教繞屋種芙蓉

萬曆改元日

栢酒椒盤媚晚衙東風又喜到天涯玉衡初轉迎青
帝銀燭高烧吐絳花北極慶雲春萬里南中爆竹夜
千家飄零忽憶先朝事幾度茲辰侍翠華

南中鄉思

當年俠氣結賢豪遲暮那堪覽珮刀留滯又逢新典
禮交游誰問舊締袍薜蘿柰逐南雲遠關塞應憐北
斗高何日故園歸偃仰細斟美酒讀離騷

詠懷

幸辭負擔綴鷓鴣聖主恩深未棄捐久宦轉貧張
仲產遠游曾賣貢生田住來僮僕能蠻語寄到家書
動隔年澤國鱸魚秋可釣好隨烟霧向江天

登太華山望昆明池

白閣青崖赴海天泥人春色落杯前花明曉散千峰
錦松暖晴飛萬壑烟檻俯風帆輕似葉柳藏漁屋渺
如船攀翻叢桂思公子投贈能無招隱篇

其二

松際僧樓虛且清松枝踈處看昆明山連西竺菩提
老地圻南溟海鶴橫長笛吹殘孤月夢釣船過盡夕

波平尋雲直到雲深處好鳥迎人復一鳴

大德寺同葛誠源看雨

寺下群山翠且重寺前飛雨暗千峰倦游同是江南
客勝賞堪陪塵外蹤遠樹連村昏度鳥流雲赴峽暮
歸龍天南六月如秋晏涼颯絺衣坐晚鍾

送鍾文峯別駕入賀

碧雞山下雨初收涼颯行衣六月秋贈遠媿無青玉
案居夷賸有黑貂裘長安重到逢新主故里初歸
問舊游無賴昆明池上月隨君東去到揚州

其二

萬山當路碧參差對酒高歌生別離因送故人歸北
闕倍令越鳥憶南枝舊衙獨鶴隨行李遠道清霜點
鬢絲京洛故人如問訊道余爲郡揔無奇

早春府僚邀飲圓通山亭

百尺丹崖曲磴通孤亭雲際俯琳宮撩人無柰春如
海結客真憐氣似虹山色浮杯霑重碧花枝圍坐亂
殷紅一麾誰道江湖冷太守猶堪號醉翁

登五華山樓用前韻

窈窕青山一逕通閑隨孤鶴到禪宮澄波照檻開銀
鏡古堞當樓偃玉虹匝地柳搖濃淡綠壓枝花簇淺

深紅浮雲天際輕如葉勲業乾坤一塞翁

沅江晚渡

楚江晚渡泛寒雲兩岬青山一鏡分沅水悠悠帶冰
綠峽猿噉噉隔溪聞沉冥岩穴龐公宅搖落風烟宋
王文九畹即今蕭艾滿更從何處覓蘭芬

宿萍鄉

未從季主卜窮通歲晏單車走朔風湘浦蕙葭霜降
後萍鄉更鼓雨聲中鬢華天畔禁秋色劒氣床頭耿
夕虹過盡楚城家尚遠歸心日夜繞江東

臨城驛飲譚明陽官舍

客亭五馬昔曾諳劍珮東歸再駐驂偶過故人為地
主共將鄉語話江南杏花照座紅爭麗楊柳撩人綠
半含明發天涯分去住亂山回首隔烟嵐

清流關晚渡

斷崖離立楚關開春色憑高八望來花雨半飛紅作
陣雲山四合繡成堆英雄割據餘形勝龍虎紛爭共
草萊茲日驅車南度急蹇裳懷古一低徊

桃源吊古

峽束溪迴走白沙亂山無路認仙家秦人舊宅空烟
霧古洞遺碑自歲華水落漁舟橫野渡雲深樵徑失

桃花仍聞瑤草青堪拾好問迷津一泛槎

宿靈岩寺

群峰迴合亂春陰斷壑雲藏古寺深飛錫迸泉開寶地種松巢鶴護珠林隋唐臺閣猶丹腹海岱烟霞自古今禪榻觀空坐超忽佛燈照兩夜鍾沉

其二

丹梯窈窕拂雲登路入諸天訪上乘古寺常傳三世火山深擬有六朝僧塔浮松院浸峰影碑卧苔堦露石稜勝地初開何歲月頭陀猶記佛圖澄

登太山

十二山河擁岱宗襟齊帶魯削芙蓉嶽雲晴捧天門榜海日宵明玉女峰周殿有基餘氣色秦碑無字記登封乾坤四望收今古高立層霄第幾重

其二

探竒千里一登山平子何辭梁父艱絕頂神君關絳闕連峰紫氣護玄關霞明紅見扶桑外天近青垂大麓間海上飛仙如可挾更尋十嶽徧躋攀

贈郭懽庵太守

昆明池上萬山秋露冕初逢郭細候太華雲晴曾共眺上林春早復同遊一麾出守誰青眼萬里歸朝尚

黑頭買駿定須從隗始使君五馬總驂騮

其二

長安挾轂問君家繡陌西連御宿斜池上鳳毛元傍
日斗間劍氣欲成霞傾都舊識桓生馬絕塞初歸漢
使槎紫禁朝回拜家慶錦衣春映北堂花

長安客舍崑麓過訪

畫角高城吹落梅寒宵風雪故人来相逢莫問頻年
事飄泊全停濁酒杯三徑未荒歸有夢一官如舊笑
無媒吳鈎在掌君珎重霄漢連翩總上才

燕郊偕朱鴻臚看春

三年天畔悵離群勝日郊行得共君紫陌生香塵似
海青絲飛鞚騎如雲遺鈿墮靨春風亂載酒徵歌狹
路分京洛看花三十度西山蒼翠幾斜曛

留別毛鳳池

吾已歸乘張翰舟故人此地爲誰留賣文定是逢青
眼沽酒能無典敝裘舊業淒涼千里夢高懷瀟洒五
陵遊卜隣近傍金吾子將爲常何識馬周

別朱虛谷

辭君歸卧五湖西湖上蘼蕪綠已齊衢路屏營一樽
酒乾坤去住數行啼贈詩在篋長相憶別賦銷魂醉

懶題鍾鼎山林總吾道朱公旦暮號鴟夷

訪蕭觀吾不遇

楊子江頭訪友生春江花月夜盈盈追遊曾記長安道飄泊真憐倦客情塵榻不逢良夜話綠樽如對故人傾醉中莫謾題凡鳥最是瓊枝入夢清

乞休

長路悠悠倦客情十年兩疏乞歸耕還家何似梁江總學圃堪憐漢邵平自識締蕭勝照乘誰云抱玉傲連城少微中夜休相傍薄劣元無處士名

病歸

華陽芝朮白雲邊採入頃筐芳且鮮畫省一從淹日月青山幾度隔風烟養生旋學稽中散卜築堪依葛稚川客到不須嘲尚白年來多病罷談玄

乞休得請

一笑投簪戴鶻冠浮雲過眼碧天寬青山待我長為主白髮催人早棄官伏櫪能忘千里志巢林聊藉一枝安美人贈我元珍重報荅曾無雙玉盤

為園

九重詔許解微官小葺園廬一畝寬酒熟先招隣舍飲花開每約故人看門臨場圃收秔稻水滿池塘置

鴨欄却憶當年身萬里。郡齋獨夜夢漁竿。

乙亥早春西庄看梅

徙倚欄干皂帽斜。踈簾捲雪看梅花。祇緣頻歲曾為客。最喜今年春得在家。遲日漸舒楊柳眼。東風半綻牡丹芽。鏡湖不向君王乞。到處烟波好泛槎。

其二

笑披初服返林臯。小築精廬榜慕陶。已買偏舟浮綠水。更依踈柳插紅桃。春風荏苒來三徑。歲月侵尋入二毛。却笑文章綠業在。篋書重檢課兒曹。

送王方麓尚寶之京

江天殘暑送君行。路入秋風古北平。御月高分鳩鵲影。禁鍾重聽未央聲。函擊御璽黃金重。珮委瑤階白玉明。莫以清華少公事。可無獻納蒼蒼生。

其二

自免曾誇邴曼容。竟從天外得冥鴻。蒲輪珍重三徵後。國士聲名一顧中。大雅不群還自喜。壯心未已為誰雄。帝城再入緣明主。不似陳生仗子公。

書于景素扇

仙郎風度自翩翩。更道文章已八玄。抱策如君應遇合。待時以爾定逢年。穿楊嚆矢千夫辟。照乘驪珠徑

寸圓走馬長安春似海漢庭丹詔正求賢

石湖訪王龍岡

青山曲曲水粼粼笑折梅花訪故人久別共憐衰髮短相逢同說罷官貧輕衫瀟洒披雲氣小閣虛無隔市塵舊業滿床書籍在喜看雛鳳羽毛新

登吳臺次法空上人韻

寺下澄湖湖上臺當年登處得重來千峰偃蹇雲齊落二水平分天倒開飛鳥遠投蒼靄沒亂帆斜帶夕陽回朗公詩好勞相贈併是空花八剪裁

劉泰宇別駕過訪

使君行縣擁高軒肯向蓬蒿問灌園白水抱村迎露冕青山對屋入玄言風生匣劍鶻膏冷秋貯冰壺玉露繁為郡聲名傳漢史蒲鞭家法自淵源

送劉別駕遊茅山分得清字

雲白天高木葉清褰裳一笑亂峰迎泉因喜客連珠濺山為藏直草字橫流水琴鳴招隱操遊仙詩和步虛聲洞天已隔人間世瑤草瑤花不辨名

送江問山山人采詩淮南

青山吾亦結幽期此去因君一問之木末芙蓉秋日朶淮南叢桂昔年枝關河行李新詩草海嶽風烟舊

杖藜瑤草已憐天
畔客江淹別賦復淒其

華陽洞藁卷之二十

金壇張祥鳶著

七言律

泛湖訪舊

荻花蘆葉亂高秋
湖水如鋪淡不流
興到與君尋酒
伴路迷隔浦問
漁舟魚依蒲稗
沉清淺鳧唼萍
蘋任去留白芡一
聲拘礙遣可知
吾道合滄洲

贈鄧纓洲釣亭

湖上烟雲壓艸亭
新詩語語傲湛冥
四簷花氣霑書
濕一榻波光拂
劍青剡水風流
高士傳桐江物
色少

微星行吟偶荅滄浪曲翻引漁師笑獨醒

贈邑侯劉太夫人旌封

一從鸞影鏡中分手植瓊枝早拂雲已見賢聲旌直指更看高第起即君弦歌洋溢三迂教綸誥淋漓五色文誰道瑤池春獨永錦城風日共氤氳

送鍾西星太守入覲

雲高直北曉霜清五馬如龍入帝城已道盤根遯及解更留春色照人明電開閭闔聞天語風度簫韶間珮聲鈞軸元知登茂異寇君倘肯借蒼生

送劉蓉川

錦江春色麗朝霞為逐劉寬到若耶萬井甘霖膏綠野一天明月浸清衙飛鳧又近昭陽日走馬重看上苑花最是野人懷惠者遠從北斗望京華

送秦明石太守入覲

朔風吹雁大江橫五馬駢駢江上城朱紱即看天北極賢聲元逼漢西京通明殿曉瞻華衮政事堂開謁上卿郡國論功誰第一御屏高列使君名

其二

香飄合殿萬花濃玉珮晨趨長樂鍾天子臨軒咨岳牧上公開閣引夔龍黃金函重頒中使赤鳥才高

動 聖容最是蒼生思借寇遙瞻直北五雲重

題二松卷

山閣風清雲氣流蒼鱗離立舞靈虬歲寒不改千章色仙籟能生六月秋夏社陰森扶寶鼎秦封尊重比通侯何如丹壑儲高棟天上雙擎白玉樓

哭段慎菴表兄

垂髫兄弟忽華顛猶記同騎竹馬年已道嗣宗能傲世詎知靈運竟生天箕裘冷落餘門第風雨淒其暗几筵老去更堪悲逝水招魂無語淚潺湲

送何靜吾餉軍上谷取道南歸

關河樹色動新秋使者停車賦遠遊上谷長雲驕朔氣桑乾倦馬憶并州材官感泣封敖 詔候吏逢迎博望輶都護徵兵頻轉饒何時笑飲月支頭

其二

驛路長風吹使華南歸何遜問梅花夜光劍洗蒼梧雨晝錦衣明越嶠霞江冷芙蓉迎客髮天清木葉墮仙槎三年上國觀周樂知爾携歸到海涯

見山兄七十壽詩

白頭兄弟共吹埴甲子重更又十年杖國堪登耆舊傳養生稍得悟真篇因隨澤雉神能王為避文犧地

自備壽酒每春新秫釀百迴同醉小春天

秋夜同王玄靜虎山橋玩月

群峰四合水交流西望吳天一鏡收河影倒垂銀漢
冷月華涼浸桂輪秋半生身世堪沉飲到處湖山是
舊遊老去故人難見面停槎十日為君留

天街寺旅寓

秦淮西畔盡青山古寺疎桐對掩關客到每因青鳥
報僧歸嘗帶白雲還經聲隔竹禪房靜苔色連堦覺
路閑一別帝城三十載重游祇愧髮毛斑

登牛首山閣

僧閣高臨樹杪開金陵四望繡城堆竒峰斜倚諸天
近古木秋生萬壑哀晉代風流桃葉渡謝公文彩鳳
凰臺昔人已共浮雲散賸有長江天際來

其二

丹梯千曲捫蘿登路入孤峰最上層詭石壓簷危欲
墮閑雲飄檻靜堪憑江光飛練雄畿輔王氣成霞護
寢陵晉苑吳宮秋草合臨風指點問山僧

棲霞寺讀江總碑

僧屋高低倚翠屏飛泉曲曲樹冥冥半空晴落峰陰
紫絕頂秋生石氣青袖滿烟霞招隱士路隨猿鶴訪

山靈却思江令還家暮猶為徵君細勒銘

探山登白雲庵

樵徑盤迴晝亦陰僧家住處白雲深當門碧澗歌千尺昔日蒼杉高十尋履險自矜麋鹿性探竒真洽薜蘿襟憑高細數南朝士山色江聲自古今

登北固山

孤峰縹緲赴江天白石紅亭樹杪懸一道澄波開斷壁千林黃葉下寒烟鷗盤寥廓秋風急山缺西南落日圓萬里中原勞北顧蕭梁陳跡酒杯前

寶界山秋望

梁溪溪上曉峰稠木葉聲軋宿雨收石磴中盤千樹錦湖天四浸萬山秋臺高海色當杯落亭敞雲光拂檻流指點夫椒談往事西來伯氣冷吳鉤

丙子除夕

爐香細裊結青霞銀燭頻燒吐絳花院院桃符換殘臘村村糕勝送隣家喜看歲月高兒女笑領春風老髮華一樹庭梅新署煖半含香玉拂簷牙

寄武陵博士王肖崖

與君一別隔天涯越樹吳雲幾歲華烹鯉忽開湘浦札知君又看武陵花楚材一一遷喬木郢曲聲聲隔

絳紗仙骨由來堪吏隱桃源春水逸清衙

遊善卷洞

青山窈窕入仙家細草生香一徑斜怪石擎雲歆碧玉飛崖懸乳結青霞荒苔繡滿丹砂竈暗水浮來隔洞花醉卧石床歸去晚僧厨烟歇供新茶

張公洞

洞門雲壓晝生寒一線天通萬玉含貪看境竒愁境盡杳穿山北出山南丹青暗撲仙人局金碧斜歆佛子龕回首重憐形勝地亂峰無賴鎖烟嵐

荆溪道中

緒風吹面媚清和芳杜撩人引棹歌山色滿帆青似玉水紋繞舵綠於莎五湖踪蹟常烟霧四海交游半薜蘿是處洞天堪寄傲酒壚誰道邈山河

綠蘿庵

聽蟬關掩綠蘿柔白石磯迎碧水流不問主人閑看竹因叅大士獨維舟塔陰晴落諸天境樹色寒生四月秋我亦東吳垂釣者一竿烟雨一羊裘

寶界山

竒峰驕挾具區雄紫翠浮空落鏡中湖色盪胸天下山光撲酒水西東可吟亭俯千竿竹長嘯臺生萬

壑風扣石長歌招隱曲浮雲依約送冥鴻

玉女潭

深竹高杉路百盤絕憐飛翠落雲端澄潭射日浮空
碧峭壓流霞映坐丹石勢參差千澗落松聲瀟瑟萬
峰寒洞簫吹斷香壇冷不見仙人駐紫鸞

齋前壘石種竹

才微領郡媿無奇五十辭官莫已遲老去形容青鏡
識歸來踪跡白雲知花間除地堆拳石竹下開窓讀
楚辭回首當年堪自咲曾將混沌飾蛾眉

草堂春晝

草堂春晏清晝長小庭風細松蒼香紫燕定巢屋簷
暖白鳥啄砌莓苔蒼息交已無屨滿戶舊業賸有書
堆床沉冥林壑諧始願無勞季主談行藏

西庄看花

舊社相過總舊知暖雲麗日泛花枝清樽佳話情真
率重碧深紅錦陸離良會難逢留客久韶華易過願
春遲小欄芍藥開還好把酒重看莫負期

題柳贈別

東風宛轉柳條新攀折初榮贈玉人眉翠正逢三月
望絲長能繫百年春輕撩燕子昭陽舞低拂桃花洛

水神唱罷新翻芳樹曲半遮歌扇一含顰

春日過西庄

不到西莊垂一旬重來春色倍欣欣海棠枝重堆紅
錦楊柳條長散麴塵跨水小橋閑可倚銜花馴鳥宛
相親晴和天氣逢寒食急遣蒼頭招故人

春日友人過訪

夾衣初薄暖初回甲子山中又幾迴看曆始知春社
到敲門剛報故人來細聽時鳥留連語笑指庭花次
第開時事不談心共遠祇憑清話送深杯

雙湖載酒西庄

林臯雨歇午風和珍重高情載酒過花解迎人嬌欲
語鳥知娛客巧能歌無媒徑路紅塵遠舊社交遊白
髮多忽謾逢春春又老與君日飲更無何

暮春連雨

小亭午坐靜鈎簾細雨殘花三月天點砌亂紅沾屐
齒拂簷新綠濕茶烟春光照眼能忘酒麥冷侵衣未
脫綿溪水朝來添一尺柳陰堪繫釣魚船

初夏西庄

門外清溪接五湖綠陰如水水如鋪舍南舍北多漁
市村近村遙有酒壚簷簷拂新稍縈翠竹窓分涼影轉

華陽洞壑 卷之三十一
青梧十年一覺長安夢歸訪烟波舊釣徒

與毛鳳池西庄夕泛

十里薰葭覆綠波垂楊踈處月明多輕舟泛泛依蒲
稗初服仙仙製芰荷四海交遊雙短髮百年天地一
高歌水村長日經過斷二仲猶能到薜蘿

西庄避暑

逃暑中林款故人竹梧深處動經旬獨醒引笑寧辭
醉對酒當歌不記巡覆坐繁陰蒼翠合定巢馴鳥往
來頻殘棋佳話消長日萬事無營懶是真

曉起

開門初日散遙田水氣浮村翳白烟遠樹參差霞錦
亂綠荷傾倒露珠圓量晴料雨多奇中洗竹澆花得
靜便行遍苔蹊頭未擲柳陰小立聽新蟬

田居白髮

柴門水遶四無隣長日科頭不見人心遠却疑身是
鶴地偏休鑷髮如銀灌園已解腰間組遺世慵彈冠
上塵自是形骸元土木能將堅白試緇磷

園居曉起

新沐朝來懶著冠踈花和露隔簾看不因今日爲園
樂誰識當年行路難田薄幸逢連歲熟家貧聊藉舊

廬安衡門反鎖無人扣
梧竹風清六月寒

草堂即事

梅雨絲絲草閣涼
匡床玄坐漫焚香
四簷綠樹繁陰合
一卷黃庭白晝長
細和禽言成樂府
寬栽荷葉製衣裳
笑看溪色明于玉
新水朝添一尺強

西庄書事

乾坤落落著逃虛
梧竹青青對結廬
花徑臨池晨抱甕
松窓沾雨晚收書
晉卿富貴曾三卻
漢傳風流竟二疏
最是華陽西去近
山中宰相舊隣居

新秋西庄書事

小欄曲曲紫薇開
曲徑條條長翠苔
殘暑已隨涼雨退
清風况逐故人来
群鷗慣狎慚真隱
五馬輕辭耻自媒
短杖角巾行樂處
綠陰千頃水滌迴

田居秋夕

薄烟深樹晚冥冥
風颯柴門敞未扃
挾子輕鷗衝雨白
著花香稻覆畦青
身辭朱紱衰仍健
杯泛新涼醉亦醒
何物蒯緌堪顧盼
無勞望氣識青萍

雨後過西庄

清溪斜抱草堂迴
日日輕舟去復來
楓葉隔林霜後紫
芙蓉繞屋雨中開
橋分野色隨斑杖
墻翳秋陰長

綠苔歲晏故人堪契濶移書為報熟新醅

西庄晚秋

蘿屋無隣長閉門芙蓉秋水自成村退耕喜及筋骸
健小築欣看松菊存農圃生涯供伏臘江湖身世住
乾坤更堪心跡雙清處風竹蕭疎月一痕

十五夜新溪醉月

晴雲散彩月輪圓桂闕飛丹落綺筵曲度霓裳收萬
籟河翻銀影界遙天平康十日雄談裡天柱孤峰醉
眼前何似故人常對面飛仙笑掩自年年

壬午冬晏西樓看山

雪後群山紫翠寒西樓暮色愜憑欄參差遠樹分還
合狼藉歸雲濕未乾閱世可無千日醉巢林差足一
枝安隴頭歲晏沉雙鯉珍重梅花寄所懽

王生悅之少負俊才為諸生有聲非其好也願
好吟吟成津津自喜久之回視博士家言枵然
無味語人曰人生貴適志耳惡能淹歲月轅下
負此七尺耶一旦拂衣作兩都之遊草堂雪夜
過予話別賦長句一章贈之

凍雲狼籍雪初晴歲晏憐君千里行五噫歌高孤劍
暗二京賦就彩毫明遊梁文采枚都尉入洛風流陸

士衡聞說公卿勤吐握定開東閣待王生

楊柳枝詞

楊柳枝黃拂地垂美人綽約閉腰肢教坊學得如意
舞樂府翻成絕妙詞老去桓温增感慨少年張緒競
丰姿灞陵三月春如海莫管長條綰別離

飲含齋席間歌者以扇索詩漫賦

楊柳青青映翠眉笑持紈扇索題詩定知別後春風
面不減當初瓊樹枝湘竹舊痕懷帝子漢宮明月憶
班姬卷舒長傍卿懷袖猶向東君入夢思

贈黃生白完

草堂背郭徑無媒一葦誰乘紫氣來爾雅聲詩長慶
體淋漓翰墨永和胎桐陰冉冉飄棋局竹色娟娟落
酒盃高論喜逢黃叔度索居鄙吝頓能開

王華崗進士歸省

使者乘輶省北堂羅衣猶帶上林香青雲高第三遷
教烏鳥私情萬壽觴花暖瑤池明錦帔春長綺閣醉
霓裳他時國史登佳傳應許芳隣接孟光

送孫藕塘學博

連雲甲第舊家聲獨守青氊起一經才貢南金驚價
重教分東海看春生一門桃李官非冷四壁圖書廢

亦清天畔離筵秋雨後渭陽歌罷不勝情

贈王生悅之重遊白下

白門秋色愜重遊落木西風拂短裘吳郡陸機元入
洛君家王粲舊依劉詩成半是江山助賦就堪令花
鳥愁旅舍魚魚還自笑懷中刺滅向誰投

其二

六朝文苑倚雲開江左諸王總上才巷入烏衣猶自
好堂空燕子為誰來家聲籍甚尋源委詞格清新換
體裁秋興翩翩凡幾首詩題半是鳳凰臺

贈何御醫

曾記長安抱病時相邀對榻話軒岐風塵愧我非仙
骨方技疑君是上池供奉資深中使識君臣藥在世
人知拜恩歸院新街換三十餘年舊侍醫

丹陽郭外偕丁少鶴泛舟話舊

十里松陰濕暝烟故人一見一相憐酒船風煖丹陽
郭茶盃雲鮮玉乳泉清話又低楊柳月深杯肯負杏
花天對床曾記長安夜白水青山又幾年

春雪梅花

花信風嬌花事遲梅花春半未盈枝暗香稍稍能相
媚冷蕊娟娟不自持影落清池搖水鏡標疑殘雪瘦

瓊姿細看疑是羅浮夜月淡參橫惱夢思

癸未春閩聞事

老去逢春春事饒一春兩度見花朝舊醅將盡新醅
熟鶯語時兼燕語嬌青帝多情遲去住碧山有社屢
招邀近聞時事更棋局笑對東風欲棄瓢

田居書懷

自入青山戴鶻冠曾無一字到長安漁樵歲月迹虛
久朋舊晨星見面難春水浮村舟一葉草堂背郭竹
千竿短歌長嘯閒行樂誰識縈公善自寬

舟次贈洪芳洲使君

畫舫清簾識面初薰風五兩片帆徐醉披宮錦仙堪
並細挹玄談玉不如同巷竟逢通短刺應門先報駐
高車知君雅好論文客為向臨卽問子虛

秋夜小酌席間次崑麓韻

清樽細酌敞山堂笑語能生四座香詩格當年何水
部風流此日漢田郎涼侵白苧收團扇夢繞青山憶
對床忽漫相逢又離別薰葭東去曉蒼蒼

送王龍岡之官懷石湖舊遊

王孫草綠莫烟和忽漫逢君柰別何斜日酒船鷗外
櫓青春桃葉渡頭歌風流迥照長洲苑意氣還清建

華陽洞藁 卷之二十 十三 三百十一

水波不是年來因宦達楞伽輕別舊松蘿

丹陽道中別意

醉別城東遊俠場片帆烟雨下丹陽木蘭舟穩江潮
午燕子樓空離恨長憔悴青山連客瘦蕭條寒雁共
雲忙美人只隔盈盈水何事悲歌別故鄉

草堂秋晏

草堂秋晏露華清叢菊紛披繞砌明香引簷風飄細
細影含霜月弄盈盈傾壺小飲憐清色隱几微吟數
落英最是寒芳禁歲晚肯從桃李競衰榮

華陽洞藁卷之二十一

金壇張祥鳶著

五言排律

小樓海棠

樓坐被花惱况茲三月中參差含細蕊深淺簇新紅
笑口酣初日香魂夢晚春盈盈輕著雨嫋嫋不禁風
飛燕昭陽殿楊妃太液宮枝柔絲欲墜韻遠色疑空
燕蹴脂版蜂迷玳瑁叢洛陽一萬樹風格好誰同
送潘春樓太守朝元二十韻

丹詔徵圭璧明堂御冕旒驅車辭郡國飛旆向

皇州履寫天風送水壺夜月留九霄皆雨露五馬總
驂騮端笏聯鷓侶垂紳入鳳樓彤墀承委佩清漏聞
鳴球庭燎綠堦簇爐香合殿浮瞻天北辰近捧日
慶雲流異政臨軒問訃謨側席求策勲周九牧上計
漢諸侯元宰應開閣群公合借籌課功堪獨步增秩
好誰優帝里憐重到官曹悵昔遊栢臺留諫艸鳳
掖剝詞頭出守名逾重歸朝歲已周舊僚談往事故
吏引鳴騶雅負蒼生望仍深廊廟憂江城懷露冕萬
室起歌謳

過寶應湖

曾憶垂堂戒翻成浪棹遊深春青雀舫踈雨綠楊洲
蛟室連雲動烟波抱日流乾坤開楚澤星野帶揚州
影曠天俱入波搖地欲浮平堤控淮浦曲岸束邗溝
樹色紛高下帆陰遞去留孤城遙若塊亂屋渺如舟
緩帶看芳杜鈎簾起狎鷗盪胸銀鏡晃對面玉壺秋
戍鼓沙村外津亭溪水頭當年遊宦處重試舊吳鈎
送虞拙軒赴永昌郡幕

江海應吾道乾坤總宦遊無嗟程萬里亦是郡諸侯
作客誰青眼之官尚黑頭千山南詔路一葉薊門秋
離曲催三疊新詩緩四愁嶠雲隨去馬瘴雨濕行輶

駘騫天俱遠驅馳水共流夷歌聞異域棘語認蠻陬
楚王終堪獻隋珠豈暗投定徵虞秘監 丹詔下皇
州

贈徐龍灣

藉甚南州彥才華屢絕倫詞林巢鸞鷲苑走麒麟
何李堪同調邊徐好卜鄰飛揚拂流輦蕭洒出風塵
燕趙悲歌地乾坤遊宦身廟堂崇國計鹽筴用詞臣
煮海勞開府征商待筭緡花明廳事午句好硯池春
留滯名逾起回翔氣益振地因遷客重官爲著書貧
畫省含香舊瓊枝入夢頻十年勞想望茲夕挹風神

京洛論文夜河梁送客辰芙蓉未堪采何以贈佳人

貴陽吳川樓邀飲汪魯山園席間索詩謾賦

願執李君御平生劇夢思紛吾在岐路幸爾拂璫枝
清夜西園宴高秋汾水詞才華自傾坐顧盼動生姿
大雅豈獨古良遊併在茲瑤花明綠酒玉壺繫青絲
睥睨斜縈帶林臯杳蔽虧晚岸遙偃蹇詭石半欹危
洞暝青蘿翳更深綺席移殘山行仄徑剩水潄平池
籬密鈎冠側蹊迴步屨遲呼杯爭賞勝秉燭更探竒
雨氣侵衣冷雲光拂几垂乾坤容笑傲身世任支離
話飲存吾道分携恋故知晨風別孫楚湘浦寄江籬

幸陽湖亭
卷之二十一
三
渡泗慙盱眙勞見與相欵晨登山亭遠眺謾成

二十韻留別

遠道緇塵滿連旬罷濯纓一從淮泗渡忽覺物華明
使事仍隨俗歸心屢問程稍欣鄉語似漸喜沍寒輕
舟楫勞津吏盤飡杖友生誰知投館處翻愜看山情
危磴林端曲肩輿樹杪行晨嵐寒泠泠錦石曉熒熒
殿古丹青落亭虛紫翠橫碑殘惟有字泉澹不聞聲
凍雪枝間亞烟蕪湖外平波光搖戶牖帆色動簷楹
坐榻臨高鳥凭欄數廢城地雄桐栢水天濶魏公營
幽事林僧話丹房羽客迎初登憐窈窕久慙愛恣清

心遠雲相逐機忘鳥不驚無能拾瑤草倘許覓黃精
靜愛玄門邃誰攀朱紱尊猶來仍道路回首媿山靈

憶昔

一從辭白社回首十年強客路雙蓬鬢鄉心一草堂
彈棋池上閣讀易竹間房訪友青山曲聽歌雙瑟傍
粗豪呼酒伴輕薄鬪雞場謝客春山屐王生雪夜航
乾坤蕉鹿幻歲月隙駒忙勝事成今昨悲歌自慨慷
月留他夜白花剩故枝香秉燭元稱達持螯未是狂
佳辰仍在眼心賞可能忘

晚春遊常莊水亭

水綠孤亭俯林深曲徑迷雜花紛近眼高柳弱緣堤
磯靜鳧雛狎沙喧蘆葉齊藥欄隨徙倚蘿磴任攀躋
石几松陰下茶烟屋角西纖鱗依檻躍好鳥傍簷啼
絮暖縈蛛網芹香落燕泥醉眠禪榻冷清話葛巾低
詩罷堪重詠壺乾可再携因之懷舊業桃李已成蹊
壽睦母徐氏七十

及笄逢家難青春別藁砧鏡鸞憐瘦影釵鳳卸黃金
勁草終難偃明珠竟早沉立孤門祚在持節歲華深
度閤栢舟賦機窓鳥夜鳴晉姬存趙意李密報劉心
喜見蟠桃吐休誇玉樹森它年貞婦傳好向汗青尋

七言排律

送錢南里兵部頒勅江東諸將

執戟翩翩漢署郎分曹日日五雲傍千年誰入孔顏
室四海君登李杜堂獻賦禮闈同座主傳經茗水共
門墻平戎疏就春衙散出塞吟成邊樹黃使節晨頒
青玉重鳳書曉降紫泥香離筵弱柳垂垂暗客路
飛花故故忙露冕頗遭沙鳥怪掛帆剛映越山蒼
賜貂息徧千夫長挾纊歡騰六郡良巴蜀今傳司馬
檄會稽爭看買臣章江東乍到疑歸夢直北頻瞻似
故鄉清晝錦衣雙負弩薰風笠澤一鳴榔定知杖杜

歌周雅邊報梯航款越裳
聖主只今勞拊髀捷書
早晚奏明光

五言絕句

村居雜興次潘百愚先生韻

屏居湖上村相携塵外侶
看竹過隣家不問誰為主

其二

湖上看青山山影湖中倒
湖光澹若空山色青未了

其三

天地著閑身湖山入佳句
一曲滄浪歌閑逐溪雲度

其四

掩關坐青晝落葉不曾掃
門無問字人洗硯謄詩草

其五

農談忘日夕山外白雲吐豐年賽田神隔水呼村鼓
其六

客到無雜言但話山中好春風儻相携尋山拾瑤草
書郭五遊縞帶

沈約耽詩甚腰圍太瘦生不妨衣帶緩五嶽好閑行
獨寢

無營起常晏盥罷日已晝小閣對虛無波光射窓牖

華陽洞藁卷之二十二

金壇張祥鳶著

七言絕句

出塞吟贈趙汝泉

離亭暮雨映千峰君到胡關第幾重醉裡不知人欲
別秋風還約采芙蓉

其二

落日高樓賦載驅秋山青映使君符營州聞說炊烟
斷春色隨車忽到胡

其三

莫怪離筵送客頻封侯早起劍鋒新翩翩塞上皇華
使不是當年皂帽人

其四

下馬長城片月孤望中邊樹晚模糊知君此夜關河
夢猶憶高陽舊酒徒

其五

鐵騎材官六郡豪人人盡佩呂虔刀胡天月白聞清
嘯一夜匈奴北度遼

其六

射鵬士飽曉張弧汗血駒驕夜秣芻幕府郎官儒作

將笑談面縛五單于

別謝四溟

烏角巾斜白髮明驚人佳句玉英英知君自是悠悠
者狗監無勞薦長卿

其二

千年大雅委塵埃此日聊逢謝客才詩草滿床涼雨
後半庭斜日照蒼苔

其三

官閑祇喜客頻過此別番憐阻笑歌詩格求嘉風骨
在緘題珎重寄羊何

其四

天涯去住惜離群
擊筑高歌對暮雲
手執芙蓉秋滿
把慇懃驛使寄夫君

七夕別齋中故人

布帆秋水去閑閑
千里西風遊子顏
何事別君逢七
夕却疑天上異人間

其二

銀河斜界碧天空
坐看雙星此夜逢
莫道人間有離
別淒涼還共五更鍾

其三

七襄織罷下雲機
一水盈盈羅襪移
離別祇愁今夜
短相逢還恨隔年遲

其四

搖落心驚宋玉秋
白蘋花傍木蘭舟
月華星彩天涯
遠應照穿針故國樓

舟次天津津吏持符淮河口號嘲之

海天涼月靜娟娟
獨夜長歌秋水篇
世路棄繻容易
去不勞候吏報郵籤

其二

問津海郭一停舟
長路年來幾宦遊
醉尉却逢無賴

華陽洞藁卷之二十二
三
極似輕李廣未封侯

其三

使客浮槎一葉輕
菼蘆秋水幾長亭
不因津吏能留客
為采江籬盡日停

其四

靜敞蓬窓夜月虛
高城落木夜瀟疎
閉門令尹休相逗
柱史年來懶著書

山陵道中古院午憇

古栢陰陰覆石苔
西風道院客重來
丹砂欲問仙家訣
雲鎖閑門午未開

送李月山分教開封

憐君少負謫仙才
歲晚相逢郭隗臺
此別莫嫌官舍冷
春風四座沐花開

其二

夷門東下濁河黃
河上先生著易忙
南國典刑周大雅
東風桃李漢賢良

其三

離歌慷慨日華東
遙指青山是洛中
君去試看伊水上市
槐如幄午陰重

其四

謾卷詩書遠渡河傳經劉向意如何周南歲月堪留
滯閑賦春風樸棧歌

省中齋居

吹殘城角月初低庭樹和烟綠更齊吏舍無譁幽夢
醒一群嬌鳥盡情啼

其二

初聞晝漏報升衙退食從容日未斜閑訪同心過別
署笑看馴鳥啄庭花

其三

吏散齋居獨掩門庭蔬小摘媚盤餐棋聲燈影松間

靜殘雨歸雲城上昏

其四

城闕沉沉禁漏遲攬衣起視夜何其滿庭涼月詩懷
愜一樹清風鶴夢知

華陽訪舊

桃花流水認岩扉仙子樓居傍翠微重到昔年行樂
處不禁懷抱獨依依

其二

尋真步入白雲扉碧澗青松舊路微山鳥一聲啼午
寂頓令清夢欲歸依

贈豫章朱地理

武陵春水泛輕槎
曾到山中第幾家
欲問迷津烟樹
合勞君指點
覓桃花

其二

扣舷不笑屈原醒
一曲滄浪曉濯纓
世路多岐君自
識章江如練為誰清

贈王地理

憂病年來卧倚廬
買山無計欲何如
今朝忽遇天台
客笑授囊中郭氏書

其二

先生家住赤城南
坐拂長髯看夕嵐
祗為耽竒涉湖
海青山佳處幾探攔

憶石湖四絕

石湖南望渺烟波
無柰東風阻笑歌
猶憶行春橋上
月夜深還照舊蓑

其二

溪流曲曲抱山清
回首溪山空復情
最是松間僧話
好波光如席近人明

其三

通湖閣上日初長
曾看飛花共燕忙
燕子重來花又

華陽洞藁 卷之二十二
落看花舊侶各殊方

其四

松風小閣細雲陰
僧到惟論世外心
一別青林塵夢亂
空憐山水有清音

重陽恨雨

滿城風雨過重陽
籬菊無花閉草堂
豈是催租敗人興
自緣索寞負年芳

無題

憶昔相逢十五餘
春風江上再移居
年來名冠平康籍
祇恨蕭郎不寄書

其二

花近青樓嬌狹斜
浮雲一別冷琵琶
相逢疑是潯陽夜
細語含淒問舊家

其三

不見當年團扇郎
雙垂紅淚濕流黃
樓空燕子憐無主
賸有歌塵在画梁

種樹晚歸

種樹歸來村路晚
柴門霜月白紛紛
年來祇理林間事
新葺園廬住碧雲

晚坐悟亭山房試茶

相如消渴髮雙華重試山中陸羽茶半啓斜窓看霜
月晚鍾聲裏落空花

午過夾溝驛

肺病朝來罷強吟茶杯棋局散幽襟郵籤忽報津亭
近坐愛舡窓度柳陰

徐北逢于勵庵南還寄書

珍重天涯雙鯉魚故人千里寄吾廬絨題紙有平安
字題字無多意有餘

徐子與遺予白雪樓詩集

歷下風騷說李生東吳徐孺復齊名遺予白雪樓居

詠絕勝中郎得論衡

驛亭新月

下馬郵亭暮色幽樹西新月冷銀鈎清光明夕勝今
夕伴我南歸江上樓

揚州望江南山色喜而有作

楚城南下即吳關花裏辭家雪後還二十四橋橋畔
路隔江笑認舊青山

賀朱虛谷買妾廣陵二絕

二十四橋春水流瓊花滿樹壓枝柔幽恣不著風塵
色移種君家白玉樓

其二

十里朱樓簾不垂
美人樓上閉娥眉
笑移國色歸金屋
好是風流杜牧之

寶應湖晚泊懷朱射陂先輩

射陽湖上摘仙家
為訪仙人一繫槎
舊業祇餘書滿屋
不禁清泪洒瑤華

其二

不識君家瓊樹枝
流傳風雅亦吾師
典刑豈逐浮雲散
落日平湖有所思

其三

玉皇香案舊詞臣
那向人間久陸沉
獨鶴何年跨君去
江籬無色憶知音

其四

一麾出守卧潯陽
郡閣三年消渴長
封禪無書堪應詔
滿江秋水杜蘅香

其五

澤畔重尋楚大夫
高詞賸有萬明珠
招魂賦就夫君遠
一水盈盈片月孤

其六

不見當年朱考亭
小山叢桂遠含情
向誰印證離騷

解祗恨吾年後汝生

宿州道中曉行

古驛垂楊散曙鴉山村初日暎桃花逢人盡說江南
近喜及花時得到家

其二

杏艷桃嬌麗日遲客程春色鎮相隨到家猶是花開
候傳語東風莫漫吹

其三

清明雨歇曉雲寒一樹梨花濕未乾遙憶故園花更
好年年春向客中看

定州道中

燕郊近接古盧龍覽勝無嗟數轉蓬夾道垂楊三百
里征車盡日綠陰中

渡淮口號

長安回首宦情微一片歸帆帶雨飛漸近故鄉饒樂
事西風澤國蟹初肥

潘秀才草堂看花

市橋西帶碧雞坊兩樹梅花一草堂滿地落英紛不
掃半庭苔色襯寒香

其二

青竹堂開白屋貧碧桃花暖綠樽春留連花竹移時
坐真率何曾問主人

平夷道中遇雪

朔風吹雪暗千山計吏驅車檄外還自笑不如班定
遠未侯先入玉門關

春晝聽禽

落花封徑笋生籬飛絮撩人水滿池愛聽晴鳩啼午
寂綠陰深處立多時

新月梅花

讀罷黃庭纖月斜春風小院鎖梅花暗香稍度東隣

去錯認西湖處士家

紅梅

曾是羅浮夢裏人肯教素艷點紅塵
祗緣國色朝酣酒半掩朱顏怯早春

池上置橋

翛然草閣俯青郊水抱柴門百步遙
客到每嗔花徑隔柳邊新置赤欄橋

蓮蕩泛月

蓮花白白出人頭蓮葉青青礙入舟
明月一天花十里廣寒清夜太真游

買舟

曉窓百舌數聲啼
雨歇春流綠滿堤
買得扁舟小如
葉憶梅撐過野橋西

偶題

一曲高歌四座傾
纖雲不動暗塵凝
手持紈扇西風裏
誰識班姬不語情

郟城聞鶯

江郭塵收宿雨晴
曉窓風細送鶯聲
茂林碧樹青如水
何自山禽也到城

春晴閣坐

翠烟輕織柳絲低
綠野平鋪草色齊
為賞新晴登小閣
半村斜日杏花西

入郭

孤舟細雨泛東風
一路桃花十里紅
為赴故人花下飲
兩年兩度到城中

早春西庄晚步

白閣紅橋綠水灣
梅花宛宛竹珊珊
歸雲狼藉春陰薄
徐步村西看晚山

小園長夏

小閣生風石枕涼
午時酣睡到斜陽
池西亂竹分蒼

華陽洞書
卷之二十三
三
翠半映書幃半映床

其二

梧葉交加覆井欄
綠陰如水晝生寒
案頭書籍風吹亂
信手攔來枕上看

題画册

松陰偃蹇走蒼虬
蕭瑟風生六月秋
放杖坐看天似水
清溪半浸碧山流

其二

郊連山外塞天遙
會獵胡兒掩騎驕
半醉臂鷹呼部落
笑看風際急霜鷗

新嘉驛亭新月

小憇茅亭夜色幽
樹西新月冷銀鈎
清光明夕勝今夕
隨我南歸故國樓

其二

郵亭休沐拂征衣
亭樹黃昏獨鳥歸
坐擁寒爐改詩草
依依織月照簾幃

舟晚

柔櫓聲寒蕩夕陽
白蘋花亂覆魚梁
美人盈盈隔秋水
欲寄芙蓉道路長

其二

西風落木水增波望裡湖天入棹歌好景不將君共
賞酒烟溪月柰愁何

春途口號

下馬郵亭折杏花一枝笑插接籬斜客途莫道東風
惡春色猶能入鬢華

其二

巾車半敞去閒閒楊柳絲絲綠可攀點綴春光三百
里人從畫裡到青山

送金別駕侍養歸楚

高雲縹緲送冥鴻祖道爭看邴曼容到日慈顏知有

喜衣裳笑認別時縫

其二

岐路晨風吹葛衣陳情令伯宦情微與君萬里同爲
客忍送君歸未得歸

閬門夜泊

闔閭城畔賦吳趨霜落天高片月孤香徑屨廊秋草
合西施無夢到姑蘇

初夏曉起

竹裡蕭齋啓曙暉紅塵不到客來稀案書零亂爐香
細一榻清風看紫薇

絕筆
解郡歸來十四年茂林深處白雲邊
如今又脫塵凡去家住蓬萊身是仙

其二

欲謝塵緣久未能十年枉自學飛昇
如今得借天風便移住天台最上層



